

節暗還明這般顛倒誰同曉此箇陰陽我獨精一兩真金纔出
火不須團打自圓成

好相如知莫外持心神便是汝真師古人公案須搜獲自己家
風要騁馳細細得通前覺性盈盈澄正舊慈悲慈悲清淨俱雙
立頓悟全無物物糜

認得心花便害風玲瓏玄妙汞鉛通三千內用千朝法十載中
傳九轉功彩豔萬重鋪潔白明光一點吐殷紅虛空返照虛空
影照出真空空不空

幾箇同流會養軀我今獨自銜癡愚饑來糲飯長哺啜寒後麤
衣任蓋鋪詩句不能分密妙心間難以認惺甦豈唯得時須

道藏輯要

重陽全真集

十四

上胃集一

守應是還他父母租

一字至七字詩

詠茶

茶茶瑤萼瓊芽生空慧出虛華清爽神氣招召雲霞正是吾心
事休言世味誇一盃唯李白興七椀屬盧全家金則獨能烹玉
藥便令傳透放金花

酒

酒酒惡唇臍口性多昏神不秀損敗真元消磨眉壽半酣愁臍
腸大醉摧心首於己唯恣猖狂對人更沒慚慚不如不飲永醒
醒無害無災修九九